



大唐六典

ワ保4
3042
18





4係
9.042
18

大曆六年大理寺鴻臚寺卷第十八

御撰

蘇省高學士兵部尚書兼中書令修撰史

王松園開國公 李林甫等奉 敕注上

大理寺

御一人

少卿二人

正二人



大唐六典大理寺鴻臚寺卷第十八

御撰

集賢院學士兵部尚書無中書令修國史
上柱國開國公臣李林甫等奉 敕注上

大理寺

卿一人

少卿二人

正二人

丞六人

主簿二人

録事二人

府二十八人

史五十六人

獄丞四人

獄史六人

亭長四人

大司馬長四人

掌固十八人

旧唐志作八人

問事一百人

旧唐志作一百四十八人

司直六人

史十二人

旧唐志作十四人

評事十二人

史二十四人

鴻臚寺

卿一人

少卿二人

丞二人

主簿一人

錄事二人

府五人

史十人

旧唐志作十一人

亭長四人

掌固六人

典客署

令一人

丞二人

掌客十五人

典客十三人

府四人

史八人

賓僕十八人

掌固二人

司儀署

令一人

丞一人

司儀六人

府二人

史四人

掌設十八人

齋郎三十三人

掌固四人

幕士六十人

大理寺卿一人從三品

尚書云帝曰咎繇汝作士五刑有服孔安國

注曰士理官也周官為司寇韓詩外傳云晉

文公使李離為理理謂察理刑獄也史記天

官書斗魁四星貴人之牢曰大理漢書百官

表云廷尉秦官掌刑辟有正左右監景帝更名大理秩中二千石武帝復為廷尉宣帝置左右廷尉平哀帝復為大理王莽改曰作士後漢復為廷尉魏初為大理後復為廷尉置律博士晉置丞主簿明法掾歷宋齊皆為廷尉梁為秋卿班第十三樞隋志三當作一陳因之後魏置少卿司直北齊及隋為大理寺隋置評事皇朝因之龍朔二年改為詳刑寺正卿咸

亨元年復為大理光宅元年改為司刑寺神龍元年復故兩漢卿秩中二千石魏晉宋齊梁陳俱第三品後魏第二品上太和以後降為第三品隋正第三品皇朝降為從三品少卿二人從四品上
後魏置為第三品上太和以後降為第四品其上北齊第四品隋因之皇朝置二人降為從大四品上

大理卿之職掌邦國折獄詳刑之事以五聽察其情一曰氣聽二曰色聽三曰視聽四曰聲聽五曰詞聽以三慮盡其理一曰明慎以讞疑獄二曰哀矜以雪冤獄三曰公平以鞫庶獄少卿為之貳凡諸司百官所送犯徒刑已上九品已上犯除免官當庶人犯流死已上者詳而質之以上刑部仍於中書門下詳覆其杖刑已下則決之

若禁囚有推決未盡留繫未結者五日一慮若淹延久繫不被推詰或其狀可知而推證未盡或訟一人數事及被訟人有數事重事實而輕事未決者咸慮而決之凡中外官吏有犯經斷奏訖而猶稱冤者則審詳其狀

開元八年敕內外官犯贓賄及私坐成殿公坐官當已上有合許雪及減罪者並令大理審詳犯狀申刑部詳覆知實冤濫乃錄送中

書門下其有遠年斷雪近請除痕亦準此其餘具刑部格

凡吏曹補署法官則與刑部尚書侍郎議其入可否然後注擬

大理正二人從五品下

秦置廷尉正一人漢因之與監及平謂之廷尉三官秩千石魏氏第六品晉置二人宋齊梁陳並一人品同魏氏後魏第六品上北齊

及隋並正第六品煬帝增置六人皇朝置二人龍朔二年改為詳刑大夫咸亨元年改為大理正光宅元年改為司刑正神龍初復舊丞六人從六品上

晉武帝咸寧中曹志上書請廷尉置丞自此始也宋齊梁各置一人第七品陳第八品後魏第七品大業三年改丞為句檢皇朝置六人增品從六品上

主簿二人從七品上

魏晉宋齊梁陳大理皆有主簿晉至陳俱二人正七品上皇朝曰而降之

錄事二人從九品上

獄丞四人從九品下

晉令有獄左右丞各一人宋齊曰之史闕其品秩梁陳置獄丞二人第七品後魏北齊亦二人正九品下隋置獄掾八人歷代並以卑

大徵士為之皇朝置四人以流外入仕者為之司直六人從六品上

後魏永安三年

後魏志三當作二

御史中尉高穆

本

傳當作高道穆

奏置司直十人視五品隸廷尉位在

正監上不置曹士

魏志史 通典置當作署士當作事

唯覆理御

史

後魏志史下有檢字

劾事北齊及隋曰之並置十人

從第五品下皇朝置六人降為從第六品上

評事十二人從八品下

漢書云宣帝地節三年置廷尉平

按百官表尉平間脫

左右秩六百石員四人其務在平刑獄故曰

廷平至後漢光武有

按後漢志有當作省

右平唯置左

平魏晉以來不復云左但云廷尉平宋齊各

一人第六品陳第七品後魏北齊及隋各置

一人正第六品下官

太平御覽所引隋書官字作後改二字

為

評事皇朝因之置十二人從八品下

大理正掌參議刑獄詳正科條之事凡六丞斷

罪有不當者則以法正之凡內外官及爵五品

已上犯罪至棄市者並監決若車駕巡幸在京

則都一人留寺以總卿貳之職在都則京亦如

之

丞掌分判寺事凡有犯皆據其本狀以正刑名

六丞判尚書六曹所統百司及諸州之務其

刑部丞掌押獄每一丞斷事五丞同押若有

異見則各言不同之狀也

徒以上各呼囚與其家屬告以罪名問其狀款不伏則聽其自理

無理者便以元狀断定上刑部刑部覆有異同者下於寺更詳其情理以申或改斷焉

主簿掌印者署抄目勾檢替失凡官吏之負犯并雪寃者則據所由文牒而立簿焉凡贖銅者

凡下疑脫私坐而三字一斤為一負公坐而贖銅者二斤

為一負各十負為一殿其有犯人未附而會恩

免者本犯至免官以上及犯贓賄已下闕文

入已息前獄成者仍以景迹論已上十二字本朝考

課令之文當補綴于贓賄

錄事掌受事發辰舊唐志

獄丞掌率獄吏檢校囚徒及枷杖之事同上

獄丞二人從九品下貴賤男女異獄五品

以上月一沐暑則置漿禁紙筆金及錢物

杵槌入者囚病給醫藥重者脫械鎖家人

入侍 唐志

司直掌承制出使推覆若寺有疑獄則參

議之

秘笈新書
引六典文

評事掌出使推按凡承制而出推長吏據
狀合停務及禁錮者先請魚書以往據所
授之狀鞫而書之若詞曰有反覆不能首
實者則依法拷之凡大理斷獄皆連署焉

太平御覽
引六典文

鴻臚寺卿一人從三品

周官大行人掌大賓客之禮秦官有典
客掌諸侯及歸義蠻夷漢改為鴻臚景
帝二年令諸侯王薨列侯初封及之國
大鴻臚奏謚誅策列侯薨及諸侯太傅
初除之官大行奏謚誅策建中六年改
大鴻臚為大行令武帝太初元年更名
大鴻臚又更名其屬官行人為大行令

秦時又有典屬國官掌蠻夷降者漢因
之成帝和平元年省之并大鴻臚後漢
大鴻臚卿一人諸王入朝當郊迎典其
禮儀及郡國上計餘職與漢同凡皇子
拜王贊授印綬及拜諸侯諸侯嗣子及
四方夷狄封者臺下鴻臚召拜之王薨
則使使弔之及拜王嗣魏及晉初皆有
之自東晉至于宋齊有事則權置兼官

畢則省 已上通典

梁初猶依宋齊無卿名天監以光祿勳
為光祿卿大鴻臚為鴻臚卿都水使者
為太舟卿三卿是為冬卿鴻臚卿位視
尚書左丞掌導護贊拜班第九陳品第
三 已上隋志

後魏大鴻臚卿第二品上太和二十三
年降為第三品 已上後魏志

北齊鴻臚寺卿一人掌蕃客朝會吉凶

弔祭統典容典寺司儀等署令丞已上隋志

後周司寇有蕃部中大夫掌諸侯朝覲之

叙有賓部中大夫掌大賓客之儀已上通典

隋初鴻臚寺右參考史志及諸書以補充連下

卿一人正第三品統典容司儀崇玄等三署

開皇三年省并太常十二年復舊煬帝降卿

為從三品皇朝依焉龍朔二年改為同文正

卿咸亨元年復曰鴻臚光宅元年改為司賓

寺卿神龍元年復舊舊屬官有崇玄署開元

二十五年敕改隸宗正寺

少卿二人從四品下旧唐志下作上

後魏太和十五年九卿各置少卿一人第三

品上三十二年當作二十三年降為正四品上北齊

日之後周有小賓部下大夫一人隋依北齊

煬帝加置少卿二人降為從四品皇朝武德

大唐六典 卷之十一
中置一人負觀中加置二人龍朔咸亨光宅
神龍並隨寺改復

鴻臚卿之職掌賓客及凶儀之事領典客司儀
二署以率其官屬而供其職務少卿為之貳凡
四方夷狄君長朝見者辨其等位以賓待之凡
二王之後及夷狄君長之子襲官爵者皆辨其
嫡庶詳其可否以上尚書若諸蕃大酋渠有封
建禮命則受冊而往其國凡天下寺觀三綱及

京都大德皆取其道德高妙為眾所推者補充
上尚書祠部凡皇帝皇太子為五服之親及大
臣發哀臨弔則贊相焉凡詔葬大臣一品則卿
護其喪事二品則少卿三品丞一人往皆命司
儀以示禮制也
丞二人從六品上

秦有典客丞漢因之武帝改曰大鴻臚丞比
千石魏晉皆因之東晉省梁鴻臚丞班第三

按隋志三當作二 陳因之後魏列卿丞從五品中太

和二十二二當作三年降為第七品北齊為第七

品下後周賓部有上士一人隋鴻臚丞二人

正七品上大業五年加為從三品按隋志三當作五

皇朝為從第六品上

主簿一人從七品上

漢官儀鹵簿篇鴻臚駕四馬主簿疑有脫文晉令

大鴻臚置主簿錄事史梁天監七年十二卿

各置主簿位不登十八班者別為七班主簿

班第三陳因之後魏闕文北齊有功曹五官

主簿隋鴻臚寺主簿一人皇朝因之武德中

正八品貞觀中減置一人從七品上

錄事二人從九品上

丞掌判寺事

主簿掌印勾檢替失

錄事掌受事發辰

典客署令一人從七品

舊唐志作從七品下

周禮有掌客上士二人漢鴻臚屬官有行人武帝改為大行令魏改曰客館令晉改曰典客宋永初中分置南北客館令丞齊有客館令梁有典客館令丞在七班之下為三品勳佐陳目之後魏典客監從五品太和十五年置主客令北齊鴻臚寺統典客署後周有東南西北四掌客各上士一人隋鴻臚卿統典

客署令丞煬帝改曰典蕃署又於達

披隋志達當作

建國門外置四方館以待四方使客各掌其方國及互市事皇朝以四方館隸中書改典蕃曰典客署

丞二人從八品下

周禮掌客有下士四人漢大行令有丞北齊有典客丞隋有典客丞二人皇朝因之

掌客十五人正九品上

大唐六典 卷之十一
隋置皇朝曰之有典客賓僕等員

典客令掌二王後介公鄒公之版籍及東夷西戎南蠻北狄歸化在蕃者之名數丞為之貳凡朝貢宴享送迎預焉皆辨其等位而供其職事凡酋渠首領朝見者則館而以禮供之

三品已上準第三等四品五品準第四等六品已下準第五等其無官品者大酋渠首領準第四等小酋渠首領準第五等所乘私畜

拙換客舍放牧仍量給芻粟若諸蕃獻藥物滋味之屬入境州縣與蕃使苞匭封印付客及使其名數牒寺寺司勘訖牒少府監及市各一官領識物人定價量事奏送仍牒中書具客所將獻物應須引見宴勞別聽進止若疾病所司遣醫人給以湯藥若身亡使主副及第三等已上官奏聞其喪事所須所司量給欲還蕃者則給輦遮至境

首領第四等已下不奏聞但差車牛送至墓所

諸蕃使主副五品已上給帳氈席六品已下給幕及食料丞一人判厨事季終則會之若還蕃其賜各有差給於朝堂典客佐其受領教其拜謝之節焉

司儀署令一人八品下

旧唐志作正八品下

周礼有司儀上士中士漢大鴻臚有治礼郎

後魏太和十五年置司儀官北齊鴻臚寺統司儀令丞後周司儀上士一人中士二人隋鴻臚卿統司儀署令丞皇朝因之領司儀齋郎掌設幕士等丞一人正九品下

北齊有司儀丞一人隋有二人皇朝減一人司儀令掌凶礼之儀式及供喪葬之具丞為之貳

若皇帝皇太后皇后皇太子為五服之親舉
哀本服周年者三朝哭而止大功者其日朝
晡哭而止小功已下及皇帝為內命婦二品
已上者百官執事及散官一品喪皇太后皇
后為內命婦三品已上喪皇太子為三師三
少及宮臣三品已上並一舉哀而止皇帝臨
臣之喪一品服錫縗三品已上總縗四品已
上疑縗皇太子臨弔三師三少則錫縗宮臣

四品已上總縗五品已下疑縗

凡京官職事三品已上散官二品已上遭祖父
母父母喪京官四品及都督刺史并內外職事
若散官以理去官五品已上在京薨卒及五品
之官死王事者將葬皆祭以少牢司儀率齋郎
執俎豆以往三品已上又贈以束帛一品加乘
馬既引又遣使贈於郭門之外皆以束帛一品
加璧凡百官以理去職而薨卒者聽歛以本官

之服無官者介幘單衣婦人有官品者亦以其
服斂

應佩者皆用蠟代玉

凡設帛及銘旌轎車之屬有差

一品縣帛六五品以上四六品已下二凡銘
旌三品已上長九尺五品已上八尺六品已
下七尺皆書云某官封姓名之柩其轎車三
品已上油幘朱絲絡網一本作網是施襪兩廂畫

龍幘竿諸末垂六旒蘇七品已上油幘施襪
兩廂畫雲氣四旒蘇八品已下無旒蘇男子
幘襪旒蘇皆用素婦人皆用蘇蘇當作絲庶人鼈
甲車無幘襪畫飾

凡引披鐸翣挽歌方相魁頭燹帳之屬亦如之
三品已上四引四披六鐸六翣挽歌六行三
十六人有挽歌者鐸依歌人數已下準此五
品已上二引二披四鐸四翣挽歌四行十有

六人九品已上二鐸二翬其執引披者皆布
幘布深衣挽歌者白練幘白禱衣皆執鐸幘
幘當其方相四目五品已上用之魁頭兩目
七品已上用之並玄衣朱裳執戈楯載於車
其纛五品已上竿長九尺六品已下五尺其
下帳五品已上用素繒六品已下用練婦人
用綵

凡五品已上薨卒及葬合吊祭者應須布深衣

幘素恐當作素幘三梁六柱輦皆官借之其内外命

婦應得鹵簿者亦如之

凡葬禁以石為棺槨者其棺槨禁雕鏤綵畫
施戶牖欄檻者棺内禁金寶珠玉而斂者

凡職事官五品已上葬者皆給營墓夫

一品百人每品以二十人為差五品二十人
皆役功十日

凡以理去官及散官三品已上與見任職事同

其五品以上減見任職事之半致仕者同見任
其百官薨卒喪事及葬應以官供者皆所司
及本屬上于尚書省尚書省乃下寺寺下司
儀司儀準品而料上於寺
凡五品已上薨卒及三品已上有周已上親喪
者皆示其禮制焉

大唐六典大理寺鴻臚寺卷第十八

補考

增品從六品上 按隋志大業五年寺丞 ○降為

從第六品上 隋志置司直十六人 ○五品已上

用之 通典五品 ○六品已下五尺 通典五尺



